

沂州府志卷之十二

鹽法

鹽者利之藪也豪俠得施其兼併而貧民不得染指故有國者必於此權之夫斥鹵之地商不得積則竈戶不苦於鯨吞山陸之途民不得運則遠方不苦於淡食因權其利以裕國制誠善也然其中合人情而宜土俗有不可一說盡者矣古人之制不可盡舉卽東海之濱而言東海之鹽將使後世有所考食沂府之鹽而言沂府之法將使人民有所遵也至私鹽之例緝私之法因時制宜故不具載作鹽法志

禹貢青州之域厥貢鹽絺

沂州府志

卷之十二

鹽法

一

周太公至齊通商工之業便魚鹽之利而民多歸齊

管子對桓公曰齊有渠展之鹽請君伐菹薪煮沸火爲鹽徵而積之於是自十月至於正月成鹽三萬六千鍾糶之得金萬一千餘勅山海之利甲於諸國

漢海曲計斤長廣三縣皆有鹽官今海曲屬沂州府

後魏自遷鄴後傍海煮鹽於青州置竈凡五百四十有六唐海曲縣併入莒而莒有鹽官則亦濤洛場之鹽也

五代軍興有司權鹽太峻周世宗北伐時父老遮道泣懇願以鹽課均之兩稅而寬其禁於是兩稅之額有鹽課

宋密州濤洛場歲煮鹽三萬二千餘石以給本縣及沂濰州

慶歷元年冬以淄濰青齊沂密徐淮陽八州軍仍歲凶災
乃弛禁聽貿易官收其算而罷密登歲課第令戶納租錢
金權貨之制有十而鹽爲首莒之場十二而濤洛居一其鹽
亦獨行於莒州大定二十八年上以鹽使司雖辦官課然
素擾民創巡捕使山東二員置濰州招遠縣弓手充巡捕
人且禁不得入人家搜索若食鹽一斗以下不得究治惟
盜犯私煮者捕之明昌二年以山東鹽課不足由鹽官不
敢擅捕遂詔自今聽鹽官輒捕巡尉弓兵非與鹽官相約
亦不得擅入人家三年以山東濱益九場之鹽行山東等
六路濤洛等五場止行沂邳徐宿滕泗六州各有定課與

九場大課不同若令九場通比增虧其五場官恐不用力
遂令五場自爲通比舊法與鹽使司通比故至是改焉

元世祖十二年設山東濱樂安及膠萊莒密鹽使司太宗庚
寅年始立益都稅課所撥竈戶二千一百七十隸之至元
六年增歲辦鹽七萬一千九百九十八引至大以後歲辦
正餘鹽三十一萬引所隸之場凡十有九濤洛其一也

明太祖二十八年以邊方缺糧奏定開中納米則例令商人
屯糧塞下給以引赴場支鹽山東都轉鹽運使所轄膠萊
濱樂三分司鹽場一十九處與元同孝宗以後廢

皇清監於元明而損益之立法盡善然亦屢經修補今畧舉其

大者至巡戢之法歸之有司鹽場大使不與焉畧似金大定年間之制

有官司規制查沂州府鹽止有濤洛故止載其有關濤洛者自運判而上事關通省應歸通志

運判 駐濟南府原在膠州明嘉靖年間移濟南府稱膠萊分司專司灤

口關驗掣放行分轄西由石河登寧信陽濤洛等五場鹽

政事宜康熙五十八年裁併運同管理雍正七年復設

濤洛場大使 署在日照縣城南四十里各大使向以三

考未入流充選雍正六年定例揀選舉貢人員給與正八

品職銜與縣丞知事一體較俸陞轉八年又定催徵鹽課

錢糧之例與州縣地丁同處分

濤洛場鹽配日照蘭山郟城費縣蒙陰莒州沂水七州縣

係票商不領引而票亦係黑扒蓋蒲臺關以下不經稱掣

皆係散鹽運使按季發票之時粘背用印外另用黑扒名

黑扒鹽其在蒲關以上者與引鹽一體築包稱驗惟不過

灤關耳經分司印扒名紅扒鹽故引截四角本場大使一

也蒲關二也灤關三也行銷地方四也紅扒鹽截三角無

灤關也黑扒鹽截二角止本場與行銷地方也故視其所

截之角則引票可知矣雍正二年凡票地必取本地之有

身家者由地方官報充八年定例不拘土著召募殷實良

商遇缺頂充用綱商保結

凡行引之地票商不得攙越票地亦然畫里分疆各有界限故沂州府屬蘭山郟城莒費蒙陰沂水日照皆票地也領運商人更換無定非比引鹽定屬十二綱商也其領票多寡不同亦如引之有增無減登州府屬蓬萊黃福山寧海棲霞招遠萊陽海陽文登榮城萊州府屬之掖縣平度昌邑膠州高密卽墨青州府屬之安邱諸城等十八州縣皆以地近鹽灘情願將鹽課均派里地雍正八年業經題請州縣總徵分解矣日照莒州等處亦近鹽之區也然朝不謀夕遂不敢妄思鹽利坐使票商占據享其厚實至于輸粟之制起而票商之鹽遂成永業矣

輸粟之制誠良法也先是康熙九年奉部文以日照縣產鹽之地從無大商止以小販行鹽辦課有力則充無力則退故謀奪之弊日新月累屢成大案乾隆六年戶部右侍郎周學健奏請令票商輸穀脩賑票地永爲已業如有革退及自願告退者仍于新商名下給還原輸穀石建倉價值當經東省鹽道議妥撫院于乾隆七年具題從此民得賑濟之益鹽無爭奪之患官無折獄之勞矣但恐鹽商恃爲已地任意措勒暗栽鹽觔圖賴無辜耳誠使加以嚴禁在鹽商議萬世之安卽小民亦甘讓其專利矣

票鹽改爲永業制

乾隆六年刑部右侍郎周學健奏請除粟地謀奪之弊等事一疏疏稱東省引地則引商世業相承卽有欠課骹法應革除商名其窩地仍聽自相售賣惟粟地則定例有力則充無力則退一經革退票與地均爲召募之所新商所有舊商不得過問原其定例之意蓋緣粟地或近竈多私或地太荒僻難于銷運而承充之人又皆乏本土商充革靡定故不許令其與引商一例兼占窩地也近年以來鹽法肅清私鹽斂迹近竈之地官鹽易銷戶口日繁屢增額粟荒僻者亦轉而爲殷庶矣雍正八年前鹽臣鄭禪寶又題定票商無論土著外省槩令鹽道召募衆商公保認充

是今日之票地不特與引地無異其餘利更有饒于引地者利之所在衆共爭之舊商今日革除明日卽可攘其所以此所以告訐成風商無寧日勢豪奸棍覬覦垂涎無所不至臣伏查商人輸票于倉請買鹽引支領官鹽貨賣此中鹽舊制也引商得世其業源流雖無可考大概係中鹽舊制今東省票鹽旣與引鹽無二近日票地又與引地相同何必仍循有力則充無力則退之例東省民間蓋藏甚少邇地方有水旱之事皆仰給于官粟現在尚准生俊捐納常平積穀以備賑貸臣請將票鹽各州縣令商輸粟于官准照引地許其世守爲業如有欠課骹法應行革除及

自願告退者悉照引地一例辦理所輸穀石彷彿義倉之法應請行令司鹽衙門分定上中下三等上等州縣令其每票輸穀二石中等州縣輸穀一石五斗下等輸穀一石現充之商力能輸納者令其呈明運司立限完納無力輸納者聽有力各商呈運司查係殷實良民准其承充依限完納給爲世業如此則永絕謀奪之端抑且三十餘州縣增貯積穀二十萬石有奇亦與積貯有補至每年額粟之外尚有餘粟六萬張係脩各州縣不敷行銷請領接濟盈縮原無定數應請概免其按票輸粟以舒商力轉行到府詳道乾隆七年三月初七道議稱應將離灘場甚遠而銷

鹽最易獲利較豐之章邱等十縣列爲上等每票輸穀二石其離灘場稍遠銷鹽頗易獲利畧豐之陵縣等十四縣爲中等每票輸穀一石五斗附近灘場銷鹽艱難獲利實畷之莒州十五州縣爲下等每票輸穀一石買足之日應往交各州縣歸于社倉穀石內一例辦理仍請每處設立社長一名每年每名于息穀內撥給二十四石以資養贍其出借收斂責令地方官查察如有虧欠担報情弊卽將該正副社長按律究追仍于年底將穀數目造報各該管道府不時查考倘地方官有通同那移許卽查揭叅處但貯穀必須倉廩建造必用工料旣未便動請錢糧應令商

人出資每穀以五六百石爲率建倉一間酌量每石出建倉工料及地基銀八分交各州縣于城內及設店之鉅鄉大鎮建造務爲完固其歲修倉廩以及耗羨穀石之處亦于息穀內照例報銷如遇該商有消乏事故無力告退便照引地之例招募承頂仍于新商名下給還原輸穀石價值及建倉廩銀兩至于啟閉倉廩晒晾穀石必須斗級應酌量三千石以下設斗級一名四千石以下設斗級二名六千石以下設斗級三名按穀加添每名每年仍于息穀內酌給穀十二石以資工食再查所議票商輸穀之州縣三十九處分別三等而上等之十縣獲利更豐又少巡役

工食之費下等之樂安蒲臺日照霑化利津壽光昌樂濰縣鄒城九縣獲利最濇又多巡役工食之費今量爲通融令最上之章邱濟陽萊蕪淄川新泰五處每年各挪出巡役工食銀一百八十兩其次上之德平鄒平商河臨邑惠民五處每年各挪出工食銀一百二十兩共計銀一千五百兩給樂安蒲臺日照霑化利津壽光六處各巡役工食銀一百二十兩給昌樂濰縣鄒城三處各巡役工食銀二百六十兩

濤洛場有場課四則

一曰竈丁竈籍之戶口也原額一千七十三丁雍正四年

除一半丁糧攤入地銀項下徵收外一半按丁均攤每丁徵銀一錢四分七釐三毫五絲三忽二微六沙五塵一埃四渺各場同共徵竈丁銀一百五十八兩一錢九釐零于丁家岡等場並各州縣新墾地畝照例加攤扣減竈丁銀一兩四錢三分八釐零實徵銀一百五十六兩六錢七分一釐零雍正八年查明應增竈丁三十四丁照例增丁銀五兩一分零于西由信陽二場新墾地畝加攤應扣減竈丁銀五釐五毫零實徵銀五兩四釐零原額併新增竈丁共一千一百七丁共實徵銀一百六十一兩六錢七分五釐六毫八絲一忽二微七纖八沙九塵康熙五十一年以後

滋生竈丁一百四丁欽奉

恩詔永不加賦

一曰竈地原撥給竈戶之地也自漢以來有濤洛場則有

竈地地久而失迷糧必如數徵收故地去而糧存康熙二

年竈戶以有糧無地屢經控告奉文于民地內割出歸場

地二百三十一頃四十六畝五分八釐八毫併自首地

二百四十七頃五十一畝四分八釐五毫每畝徵銀六錢

共徵銀一百四十八兩五錢八釐九毫一絲每兩加攤

丁銀三錢六分九釐九毫七絲八忽六纖六纖四沙二塵

七渺四漠九糊共加攤丁銀五十四兩九錢四分五釐

共實徵銀三百三兩四錢五分四釐三絲八忽一微二纖九沙八塵

一曰灘蕩地原給竈戶草灘地以共芻薪也舊地三十頃二畝二分五釐康熙九年新墾地二十畝九分二釐五毫康熙十年新墾三畝自首地十四頃一十畝一分七釐五毫其地四十四頃三十六畝三分五釐每畝徵銀六釐共徵銀二十六兩六錢一分八釐一毫每兩照竈地加攤丁銀之例共加攤丁銀九兩八錢四分八釐零共實徵銀三十六兩四錢六分六釐二毫二絲九忽七纖九沙二塵

銀一兩五錢

一曰魚課明季設徵以供藩府也濤洛無之

一曰食鹽折價明時上下官司竈戶皆供食鹽其後折價成例也濤洛無之

以上共實徵銀四百零三兩三錢九分五釐九毫四絲八忽四微八纖七沙九塵

附民佃竈地

莒州三兩四錢三分三釐一毫零

日照銀二百二十八兩四錢

按民佃竈地日照無之而大糧之內計畝攤入此事之

不可無者也溯其由來蓋各場竈丁逃亡所遺竈地俱
係濟登萊等府居民佃種種戶雖非竈丁而所種實係
竈地故正德七年題定攤入民地輸納

國朝康熙二年將民地割出二百餘畝還竈丁矣竈丁有地應
歸回民佃之糧而民糧既未減額民佃之糧亦未退回
甚矣照民不食近海之利而受近海之累也

附鹽課

額該銀六十九兩二錢四分七釐九毫四絲

半在場徵銀三十六兩八錢六分解縣轉解鹽政道

半在縣徵銀三十二兩三錢八分七釐九毫四絲徑解鹽

沂州府志

卷之十二

鹽法

十

政道

許朱藩論曰鹽竈產也民不煎曬而以其半課責之何
耶傳聞昔竈戶有糧無地屢行控訴而民額又不能割
上下調停分認此項究之世遠人湮茫無確據也

蘭山縣運濤洛場鹽

明制每季鹽票二百四十張零星小販持票赴濤洛場截
角掛號每季解銀四十八兩

國朝每季鹽票一百九十張每季解銀二十四兩後以二票改
爲三引每季解銀四十八兩順治七年濼口商人以鹽壅
不行扳批沂州領引銷鹽代補鹽課沂境去濤洛一百九

去濼口七百里道路懸殊豈是通論本州士民
院張告理蒙批不許赴濼口領鹽以票改引每年增添
銀至四百九十六兩七錢四分實係代濼包賠知州吳興
詐派之人丁後竟東道徐惺知州張瑞五以民苦不堪
請招商有澤州商人衛養性赴鹽院鹽法道陳告蒙具題
于康熙五年准除沂州鹽引仍照舊規用鹽票行鹽商人
自完國課官免考成民免追呼可謂善制七年奉

諭旨鹽歸正印差巡鹽民壯巡緝以禁私販十二年奉撫院張
行印捕官巡緝私鹽其後票額日增至四千二百張課銀
九百一十兩至乾隆八年捐粟法行商人李培承辦本縣

沂州府志

卷之十二

鹽法

七

十一

原議照下則計額票四千二百張該輸穀四千二百石該
倉七間工料銀三百三十六兩

郟城縣運濤洛場鹽

舊制無考

國朝俱係土商小票累增額票至二千五百四十二張課銀五
百五十一兩九分一毫四絲至乾隆八年捐粟法行商人
焦際承辦郟城原議照下則計額票二千五百四十二張
該輸穀二千五百四十二石該倉五間工料銀二百三兩
二錢六分

費縣運濤洛場鹽

舊制亦無考

國朝額票一千八百五十張課銀四百兩八錢三分九釐五毫
至乾隆八年捐粟法行商人余瑛承辦費縣原議照中則
計額票一千八百五十張該輸穀二千七百七十五石該
倉五間工料銀二百二十二兩今倉毀穀入常平倉

莒州運濤洛場鹽

自漢人于日照設鹽官而莒之去日照獨近則其行莒鹽
可知矣况自漢以後與照為一縣自金以來行莒載在正
史哉但其權稅之制無考

國朝俱係土商小票累增額票至四千六百張課銀九百九十

沂州府志

卷之十二

鹽法

三

六兩八錢二釐至乾隆八年捐粟法行商人吉敏忠承辦
莒州原議照下則計額票四千六百張該穀四千六百石
該倉八間工料銀三百六十八兩

沂水縣

沂水向全運濤洛場鹽自乾隆十四年票四千張以二千

張運官台場鹽以二千張運濤洛場鹽

官台場在壽
光北五十里向俱

係土商小票累增額票至四千張課銀八百六十六兩六
錢六分六釐八毫至乾隆八年捐粟法行商人鄭東慶承
辦沂水原議照中則計額票四千張該穀六千石倉十間
工料銀四百八十兩

蒙陰縣

蒙陰額票八百張課銀一百七十三兩三錢三分二釐八毫至乾隆八年捐粟法行商人郭東興承辦向運濤陽洛場鹽自乾隆十四年改運官台場鹽

蒙陰原議照中則計額票八百張該穀一千二百石倉二間工料銀九十六兩

日照縣

沂州七屬以日照爲產鹽之鄉自漢武帝元狩二年設立鹽官其後忽設忽裁制亦屢變

國朝以來歲銷鹽票八百三十一張康熙九年部議將額票價

沂州府志

卷之十二

鹽法

三

銀招募小販領票辦納而沂費郟莒諸處赴灘取鹽如故奉

旨依議後以軍興增票八十三張連前統係小販辦納從無商店邀截小票抽錢之例康熙十五年間突有奴丁田成馨結納匪類遍立鹽店戶無大小地無遠近必令赴店買鹽任意需索私設巡役星羅碁布不許隣商赴灘取鹽每驢過店按頭索錢貧難軍民負鹽易食者私巡拷打慘毒不堪于康熙二十二年本縣知縣佟國瓚將田成馨拿問撫憲題請問罪復准士民呈請仍照部例招募小販領票辦課立石縣前永遠遵守其後增票至一千五百張課銀三

百二十五兩三錢二分至乾隆八年捐粟法行商人安承忠承辦其官鹽向連蘭郊費莒沂蒙日七屬至乾隆十四年蒙陰改運官台場沂水改運官台場一半現今行濤洛場鹽者止六屬矣

日照原議照下則計額票一千五百張該穀一千五百石倉三間工料銀一百二十兩

按日照產鹽之地借鹽生活者甚衆鰥寡孤獨鳩形鵠面升斗負戴易米餬口寬之則苟延殘喘急之則束手待斃彼原無損于國課故自古不以私販論也而商人之辦課者自有成群驢馱熙熙攘攘賣票所獲除鮮衣

怒馬肉林酒池而外美官室長子孫祿如也惟是外路鹽梟罔知法紀以其牛羊之力結聚持械勢同強寇其爲害有不可言也自向來濤洛鹽堆任便收積鹽梟之來暗偷明搶拒捕傷人一夜靡搶是獲數百里之售賣不爲防之勢將使官鹽壅滯自雍正六年鹽院鄭禪寶親臨濤洛遍勘地勢建設乾元亨利貞五坨自是鹽皆歸坨便于稽查但每逢潮汐龜戶歸坨必須潮退方可過港守候之苦亦有不免後場員詳請添設割坨一十四處共一十九坨自是龜戶歸鹽得免隔港守候又乾隆

二年奉文設立

設三十四各分撥濤洛又于乾隆

每年奉文于三
四名內選撥五名執持烏鏡看守
垣此皆鹽政至也但鹽梟之罪原自不輕解官以後
按律究擬足數甘
舉而克當巡役之人原係光棍不可
以情理求或生事
賴人或報復私嫌裁鹽誣良私刑
撻種種情弊皆宜
早防至于鹽商謀利自有定制近鹽
者坐櫃發票利口
不輕運鹽者官價總賣所獲不少而
小稅短發任意
物索禁小販之轉賣多鹽圈以居奇其
細已甚總之巡
役不可不設而當禁私刑鹽商不可不
招而當留小販
大利雖歸商人而涓滴稍使下逮私販
勿使漏網而生
必自上操裕國便民通商惠賈自有
兩得其平者矣